



Qaxooti uu shakhsi Kanada joogo caawimaad dib u dejin ah u fidiyey.



SOMALI

PSR PSR PSR PSR PSR PSR

Qodobada wararka 2013

Hadii aad daneyneysid in lagu dajiyo Kanada ayna suaalo kuweydiyeen khubaro u dhashey dalka Kanada, hada waxaad la yaabantahay waxa xigi doono, qodobadaan ayaa kaa siin doono faahfaahin buuxdo waxa xigi doono iyo akhbaarad kale ee ku saabsan Kanada.



Citizenship and
Immigration Canada

Citoyenneté et
Immigration Canada

Canada

Waxyabaha lagaaga baahan yahay in aad ka ogaatid hanaanka dib u dejinta.

Suaalo weydiinta waa talaabo muhim ah ee dib u dajintaada balse ma ahan tilaabada ugu dambeeyso.

Hadii lagu doordey in dib u dajin lagu siiyo sida qaxooti uu shaqsi kafaala qaadey caawimaad u fidisey [privately sponsored refugee (PSR)]/ [réfugié parrainé par le secteur privé (RPSP)], waxey qaadan kartaa 6 bilood ama ka badan ka hor inta aad u socdaalin Kanada.

Waa kuwaan waxa xiga ee dhici doono.

Hanaanka codsiga

- Ka hor inta aan la aqbalin codsigaaga, adiga iyo xubnaha qoyskaaga waa in ay maraan baaritaan caafimaad, mida kale waa qasab in aad martaan baaritan xaga amniga ah si loo ogaado in aadan dambi qatar ah galin waqtigiini hore iyo in aadan qatar amni ku aheyn Kanada, khubaro katirsan shaqaalaha Kanada ayaa go'aan ka gaari doono in aad imaaneyaan Kanada.
- Waxey qaadan karta dhowr bilood kadib marka aad martaan suaalo weydiinta marka la idin dirayo baaritaan caafimaad.
- Shaqalaha dal ku galka Kanada ayaa dib u eegis ku sameynayo codsigiina si uu u ogaado in aad ku guuleysateen baaritaanka xaga caafimaadka, amniga iyo dambi baarista.
- Hadii ku guul dareysataan baaritaanka xaga caafimaadka amniga iyo dambi baarista, ma la idiin dooran doono in aad diib u dejin ka heshaan Kanada.
- Dawlada ayaa ku war gelin doonto haayada socdaalka aduunka [International Organization for Migration (IOM) / Organisation internationale pour les migrations (OIM)] ama haayado kale oo ay dawlada Kanada ay shaqaalaysatey markii lagu aqbaley in dib u dejin lagu siiyey wadanka Kanada laguuna ogolaadey in aad u socdaashid dalka Kanada.
- Haayada IOM/OIM ama haayad kale ayaa kaa caawin doono in aad u diyaar garowdid safarkaada Kanada.

U soo safrida Kanada

- Haayada IOM/OIM mise haayad kale ayaa kuu sheegi doonto taariikhda aad u safri doontid Kanada. Waxey kale kuu qaban doonaan diyaarada aad ku duuli doontid, ku geyn doonan garoonka diyaarada, kaa caawiyaan baaritaanka, iyo in ay caawimaad kale ku siiyaan garoonka diyaaradaha, hadii loo baahdo.
- Hadii aadan qabin bassaboor ama waraaqado socdaal, dawlada Kanada ayaa ku siin doonto waraaqado aad ugu safartid Kanada.
- Sida laguugu sharaxey suaalo weydiinta, (intarviiyuuga) qarashka ku baxaayo safarkaada Kanada iyo baaritaanka caafimaad waxaa amaah kaaga bixin doonto dawlada Kanada.
- Tani waa amah, taas oo ka dhigan in aad dib u bixin doontid dhamaan qarashka. 30 maalmoo gudahood markii aad imaadid Kanada, waa in aad bilawdid bixinta dhamaan qarashka ku baxey safarka iyo baaritaanka caafimaad. Dib u bixinta waxey ahaan doonta qeyb qeyb, waxaad haysataa 1 ilaa 6 sanno in aad ku bixisid dhamaan qarashka kugu baxey, inta ay noqoto amaahda lagu siiyey.



- Waxaa kale oo aad heli doonta fursad aad ku raadsaato shaqo aadna ka shaqeysato Kanada si aad u taageertid nafsadaada iyo qoyskaaga.
- Mar hadii aad ku guuleysatid baaritaankaada caafimaad, waraaqadahaada ay diyaar yihiin, haayada IOM/OIM mise haayad kale ayaa ku geyn doonto garoonka diyaaradaha, kaa caawin doonto gelida garoonka iyo la tacaalida waaxda socdaalka ee garoonka.

Imaanshaha Kanada adigoo ku imaanayo qof uu shaqsi caawimaad qaxooti u fidiyey

Hadii aad tahey ruux uu qof shaqsi ah uu fidiyey caawimaad qaxootinimo taasi waxey tahey in kooxo dad ah oo joogo Kanada ay si iskood ah ay isku xil qaameen in ku caawiyaan si aad ula qabsato nolasha Kanada. Dadki ku kafaala qaadey ayaa sameeyey diiranaan si ay kuu caawiyaan ilaa mudo sanad ah markaad timaadid kadib ama inta aad ka soo dhaqaala kabaneysid labadaas midkii soo hor maro. Caawimaadaada waxey ka imaanaysaa kooxdaan, ee kama imaan doonto dawlada Kanada.



- Markii aad timaadi Kanada, qofkii ku kafaala qaadey ayaa ku soo dhaweyn doono kuguna caawin doono elaboorka iyo in aad si fudud u dagtid.
- Waxey kusiin doonaan meel aad joogtid sida qolal kala xiran, guri mise albeergo iyadoo ay ku xiran tahey wixii qofka ku soo kafaala qaadey uu kuu diyaariyey, tani waxey noqoni kartaa hooy ku meel gaar ah oo aad degtid isbuuc ayada kuugu horeyso ee aad Kanada timaado mise waxey noqon kartaa meel aad waqti dheer daganaan kartid.
- Sidoo waxaa lagu siin doonaa raashin iyo dar.
- Dadkii kusoo kafaala qaadey ayaa kaaga jawaabi doona suaalahaada ku saabsan noolashaada Kanada.

Kooxdii ku soo kafaala qaadey ayaa kugu caawin doonto sida soo socoto:

- in ay kafaala qaadan qarashka cuntada, kirada iyo maacuunta guriga, sidoo kale qarashaadka maciishada ee maalin laha ah, waxaa kale oo aad ogaata in qofka ku kafaala qaadey uu bixinaayo qarashka korontada iyo biyaha, aysan kaa bixin doonin dawlada.
- in ay ku siiyaan dhar, qalabka guriga iyo alaabo kale ee guriga, qaar kamid ah alaabtaan cuseyb ayey noqon karaan qaar kalena kuwa ay kuugu deeqeen kuwa ku soo kafaala qaadey.
- in ay kugu caawiyaan tarjumaan hadii aad u baahatid.
- in ay kuu dooqaan daqtarka qoyska iyo midka ilkaha.
- in ay kugu caawiyaan codsiga daryeelka caafimaadka iyo nambarka bulshada ee caymiska.
- diwaan galinta caruurta ee iskoolaadka iyo dhalin yarta ee tababarka luqadaha;
- in ay ku baraan dad aad isku himilo aad tihiin.
- iyo in ay ku soo baraan adeega bangiyada gaadiidka socdaalka, iyo IWM.
- in ay shaqo kula raadiyaan.



Caawimaada noocan ah waxey socon kartaa mudo 12 bilood ah kadib adiga ayaa masuul ka noqon doono bixinta qarashaadkaada ay kujirto qarashka cuntada, kirada, dharka iyo canshuurta.

Inkastoo uu shaqsigu ku kafaala qaadey, uu kusiinaayo caawimaada hore in aad bilowdid noolashaada Kanada, waxaa muhiim ah in aad yeelatid himilo macquul ah, waa in aad u diyaar garowdid in aad u shaqeysatid noolashaada Kanada. Mustaqbaalkaada waxey ku xiran tahay dadaalkaada.

Dib ula deggida qoyskaaga

Mas'uuliyiinta Kanada ee wareysiga kula yeeshey waxay ku xasuusinayaan in adiga, xaaskaaga iyo caruurtaada aad isku foom ku codsan kartaan degganaanshaha Kanada. Haddii ay dhacdo inaad guursato, furto ama uu cunnug kuu dhasho, kaddib marka waraysiga lagula yeesho ama ka hor inta aadan Kanada u safrin, waa inaad arrintaa la socod sii saa hay'adda Qaramada Midoobay u qaabilsan qaxootiga, [United Nations High Commissioner for Refugees (UNHCR) / Haut Commissariat des Nations Unies pour les réfugiés (UNHCR)] ama saraakiisha socdaalka ee Kanada si codsigaaga loogu darro xubnaha cusub ee qoyskaaga.

Waxaa muhiim ah inaad UNHCR ama saraakiisha Kanada u sheegtid inaad doonayso in qoyskaaga kula degaan. Waxaa sidoo kale muhiim ah inaad sheegtid magacyada xubnaha qoyskaaga (oo ay ku jiraan carruurtaada, waalaha, waalidka iyo xaaskaaga) haddii ay kula nool yihiin iyo haddii kalaba.

Waxaa muhiim ah inaad dhamaan xubnaha qoyskaaga taxdaa, xataa haddii aysan rabin inay deggaan Kanada.

Qof aan kuugu jirin codsiga mustaqbalka ma keeni kartid Canada.

Hadii aad leedahay qaraabo kuu dhow ama saaxiibo mar hore imaadeen Kanada, aadna jeceshahay in aad la dagto waa in aad u sheegtaa shaqsigii ku soo kafaala qaadey Iyo saraakiisha shaqaale ee dawlada Kanada, balse qaxootiga ay kafaala qaadeen dadka shaqsiyaadka ah waxaa laga doonayaa in ay dagaan deegaanka ay bulshadooda dagantahey ayna ka heli karaan caawimaad dadki soo kafaala qaadeen.

Xaalladaada soo galootinimo

Markaad Kanada timaado, waxaa lagu siin doonaa dokumenti leh si joogto ah ayaad halkan ugu noolaan kartaa degane joogto ah ahaan. Tan macnaheedu waxay tahay waxaad leedahay sharci aad ku joogto Kanada. Waad ka shaqeysan kartaa ama wax baad ka baran kartaa.

Waxaa jira shuruudo gaar ah oo ku saabsan inta ay leegtahay muddada aad ku noolaanayso Kanada ka hor inta aanad codsan karin dhalasho Kanadiyaan ah.

Marka aad buuxiso dhammaan shuruudahaas, waxa dhici karta in aad codsato si aad u noqoto muwaadin Kanadiyaan ah.



Meesha aad Kanada oga noolaan doontid

Kanada waa dalka labaad ee ugu weyn aduunka, oo leh magaalooyin badan iyo caasimado badan, balse leh meelo badan oo aan la dagneyn. Caasimadaha badankood waxey ku yaalaan koonfurta wadanka, deegaano badan oo dadka dagan yihiin ayaa kala fog fog, waxeyna qaadataa waqti dheer in la gaaro, hadii xitaa aad duulimaad ku aadid. Tusaale ahaan, masafooyinka u dhaxeeyo Toronto iyo Vancouver waa 4,300 oo kilo mitir, mise afar saacadood oo duulis ah.



Waxaa lagu dejin doonaa Magaalada mise caasimada uu daganyahey qofka ku kafaala qaadey.

Inkasto aad xor u tahay in aad ku dhex wareegto Kanada, waxaan kugula talineyna in aad hal meel dagto mudo hal sanno ah, tani waxey kuugu sahli doonta in aad ka faaiideysato caawimaada dadka kusoo kafaala qaadey adeega ay kuu diyaariyeen.

Hadii aad si mutadawicnimo ah aad u dooqatid in aad u guurtid meel kale oo katirsan Kanada, qofka ku kafaala qaadey ma awoodo in uu ku siiyo caawimaad inta lagu guda jiro caawimaadaada.

Shaqsiyaadka bixinaayo caawimaada wax ka go, an iyo ku taageeraan dareenkooda ah in aad la noolaan doonta bulshada aadna la shaqeysid si aad u noqotid qof isku filan, inkastoo aad xaq u leedahay in aad u guurtid meel kale oo katirsan Kanada, shaqsiyaadka ku caawinaayo waxaa kaliye oo laga rabaa in ay kusiiyaan caawimaad dhaqaale sanadka hore ee timaadid Kanada oo kaliye, adigoo ku dhex jiro bulshadooda, Hadii go, aansatid in aad ka tagtid, ma heli doontid caawimaadi ay kuu balan qaadeen.

Caawimaada Kanada

Waxaa jiro ururo badan oo caruurta, haweenka iyo raga ay leeyihiin oo aad ku biiri kartid. Waxaad ku biiri kartaa howlaha cayaaraha sida kubada, dabaasha, waxaana jiro waxyaabo badan oo aad qoys ahaan u samayn kartaan. Qaar waa lacag la'aan, kuwana lacag ayaa la iska rabaa.

Haddii ay jiraan kulamo ay leeyihiin dadka cusub ee deegaankaaga, isku day inaad ka qeyb gasho. Waxay taasi kaa caawinaysaa inaad saaxiibo ka dhex yeelato bulshada, isla markaana aad fahanto adeegyada deegaankaaga.

Inaad heshid dad aad isku bulsho tihiin waxay kaa caawin kartaa inaad fahanto noolasha Kanada, balse haka cabsan inaad caawimaad waydiisato dadka kale.



Bulshada Kanada

Wadanka Kanada, ragga iyo haweenka waa isku mid. Waa isku xaq, isku si ayaana loo xushmaynayaa. Ragga iyo haweenka ee ka tirsan qeybaha bulshada, dhaqanka, isirka, iyo diinta waa ay is dhexgali karaan, waxaana loo la dhaqmayaa si isku mid ah.



Kanada, waxaad xor u tahay inaad fikirkaaga ka hadasho, adiga oo xushmeynayo xaqa dadka kale ay taasi u leeyihiin.

Waxaa laga yaabaa inaad u baratay inay qoyskaaga kula joogaan oo ay ku caawiyaan. Waxaad Kanada ku dareemi kartaa inaad cidlo tahay, balse ma tihid cidlo. Haddii aad wal wal qabtid, waxaad la hadli kartaa shaqsigii kuu fidiyey caawimaada qaxootinimo. Waxaa ku dhex jira dad kaa caawin karo inaad la qabsato noolasha Kanada.

Kafaala qaadida qoyskaaga

Markii aad timaadid Kanada, waxaad kafaala qaadi kartaa qaybo kale oo kamid ah qoyskaada in ay imaadaan Kanada, balse waa in aad ogaataa in hanaankaan uu qaadan doono waqti dheer, waxaana lagayabaa in aadan arkin qaar kamid ah qoyskaada sanado badan. Waxaa loo aqoonsan yahey xubnaha qoyska sida waalidiinta, awoowe iyo ayeeyayaal, xaas, iyo caruur adiga kugu nool. Waa in aad xaqiijisaa in xubnahaan ay ku qoranyihiin waraaqadaha codsiga markii aad imaaneysid Kanada. Abooweyaal iyo abaayayaal, eedoyin adeeryaal, ilmo adeer iyo caruurta qaan gaar ah lama kafaala qaadi karo.



Waa in aad xaqiijisaa in qoyskaaga ay ogyihiin meesha aad ka dagan tahey Kanada, Sidoo kale waa in ay garanayaan cinwaankaada boostada ayna kujirto caasimada iyo gobolka aad ku nooshahay.



Shaqo raadin

Inkastoo adiga iyo qoyskaaga aad heli doontaan caawimaad dhaqaale sanadka ugu horeyso ee aad timaadaan Kanada, waa arin muhiim ah in aad raadsatid shaqo aadna isku filnaatid naftaada iyo qoyskaaga sida ugu dhaqsiiyaha badan. Sida wanaagsan ee aad ugu hadli kartid luqada ingiriiska ama faransiiska ayaa kuu sahli kartid shaqo helida.

Sidoo kale waa in aad ogaatid in hadii aad leedahay shahaado jaamacadeed ama dibloma ama shahaado ganacsi, lagayabaa inaana laga aqbalin Kanada. Waxay u talaa dawlada gobolka aad dagaysid ama haayadaha sharciyeeya shahaadooyinka inaay aqbalaan shahaadaada iyo in kale.

Hadii aad rabtid ini aad usoo dirtid lacag qoysaskaaga oga soo tagtey wadankaaga, fasax ayaad u tahay oo waad u diri kartid, balse qaxooti badan ayey dhib ku tahay in ay naftooda maareeyaan balse hadana lacago udira qoyskooda ay ka soo tageen. Xasusnow in waqti ayey kugu qaadan doonto in aad la qabsatid noolashaada cusub ee Kanada.



Qarashaadka

Markii aad timaadid Kanada, waxaad ka heli doonta caawimaad dhaqaale shaqsigi ku siiyey caawimaad qaxootinimo mudo 12 bilood ah.

Mar hadii ay caawimaadaas ay dhamaato, waxaad masuul ka noqon doonta bixinta qarashaadkaaga sida raashinka, kirada, korontada, biyaha, darka iyo canshuurta. Waa muhiim in aad baratid sida loo miisaaniyeynaayo lacagtaada.



Iskoolka

Ma bixin doontid lacag ay ciyaalka ku dhiganayaan iskoolaadka asaasiga ah iyo dugsiga sare. Dhamaan caruurta jirto sanadka 6 ila 16 sanno waa qasab in ay aadaan iskoolka, waa sharci. Ardeyda badankood waxey aadaan dugsi sare inta ay oga qalin jabinayaan shahaadada diblooma, (18 sanno jir). Kadib marki ay dameeyaan dugsiga sare waxey aadi karaan jaamacad mise kollej, waa hadii ay awodi karaan, kollejka iyo jaamcada waa lacag.



Daryeelka ilkaha

Hadii aad aadid daqtarka ilkaha, adiga mise shaqsigi caawimaad qaxootit kuu fidiyey ayaa masuul ka ah qarashka ku baxo daaweyntaas.



Raashinka iyo biyaha

Biyaha Kanada waa nadiif oo waa la cabi karaa. Guri kaste wuu leeyahay biyahiisa oo kuleel iyo qabow ugaar ah oo socdo. Waad heli kartaa biyo waqti kasto ee maalin iyo habeen. Tuubada biyaha lee furee hadii rabtid waadna xireysaa markii aad dhameysatid.

Dad dhaqamo badan oo kala duwan ayaa ku nool Kanada. Waad ka heli kartaa dhamaan cuntada aad cuntid sida bariiska, rootiga, qudaarta, iyo digaaga bakhaarka qudaarta kuugu dhow. Sidoo kale Kanada waxey leedahay bakhaaro kale oo leh alaab heer sare ah sida hilibka ariga, kuwaas oo aan lagu gadin suuqa qudaarta. Sidoo kale cuntada xalaasha waa laga helaa.

Diinta

Diimo badan ayaa kajiro Kanada. Waxaa lagu ogalaan doonaa in aad diintaada ku dhaqantid si xor ah. Sharciga Kanada ayaa kaa codsanaayo in aad xushmeysa dadka ku daqmo diimaha kala duwan. Laguma weydinaayo ama laguuguma qasbi karo in aad diintaada bedeshid. Xornimada diinta waa mid kamid ah xuquuqda asaasiga ah ee Kanada.



Cimilada hawada

Waxaa jiro afar xili oo kala duwan dalka Kanada, gu, xagaa, deyr iyo qoraxeed. Kanada waa dal aad u weyn cimilada waqti kaste wey ka kala duwanaan kartaa qeybaha kale ee dalka. Gu, (bisha maarso, april iyo bisha 5aad) waa xili roobeed wadanka qaybo badan oo katirsan wadanka Kanada, cimiladana qabow ayey noqon kartaa. Xiliga xagaaga (bisha 6aad, luuliyo iyo bisha 8aad) hawada waa kuleel, meelo badan oo katirsan wadanka, maalintii, cabirka kuleelka wuxuu gaaraa in kabadan 20°C mararka qaarna wuxuu gaaraa in kabadan 30°C. Xiliga dayrta (sebtambar, octobar, iyo novembar) cimilada waa qabow aad ayeyna roob u shumi karaa. Markii lagu guda jiro bilyooinka xiliga jiilaalka (disembar, janaayo iyo febraayo) cimilada wadanka badankiis waxey gaartaa 0°C waxeyna hoos oga dhici kartaa ilaa -30°C maalin iyo habeen. Xiliga jiilaalka aad ayey qabow noqon kartaa waxaana lagaaga baahan yahey in aad dhar u xiratid sidi looga baahnaa.





Dardaaranki kuugu dambeeyey

Bilaabida noolal cusub ee Kanada waa arin cajiib ah, dadka qaar ayaa laga yaabaa in ay u arkaan arin culus. Waxey qaadataa waqti in aad la absato, marka sabar muuji. Qaar badan oo kamid ah dadka cusub oo adigoo kale ah ayaa la qabsadey waxeyna si buuxda u dex galena bulshada Kanada.

Ku hadlida luqada ingiriiska ama faransiiska aad ayey muhiim ugu noqini doonta in aad raadsato adeega bulsho, shaqo iyo in aad guud ahaan la qabsato noolasha Kanada. Hadii aad fursad uheshid intaadan imaani Kanada waa in aad isku daydid in aan kordjisid xirfadaha luqadaha. Markaad timaadid kadib, waa in aad ka faaiideysatid fursadooyinka si aad u hormarisid hadalkaaga, akhrintaada.

Weydii shaqsigi ku soo kafaala qaadey hadii aad wax suaalo qabtid.

Xasuusnow waxaa jiro dad adeeg joogta kuu ah si aay kuu caawiyaan.

